



Broj: 01-30-15294-1 /20
Zenica, dana 16.09.2020. godine

05-03/16.09.20. E

SKUPŠTINA ZENIČKO - DOBOJSKOG KANTONA			
Primijeno:	16.09.2020.		
Org. jed.	Broj	Prilog	Vrijednost
01-	30-	15294-1-1	

20

**SKUPŠTINA
ZENIČKO - DOBOJSKOG KANTONA
n/r predsjedavajućeg**

**PREDMET: Prijedlog Odluke o imenovanju Ureda za pritužbe javnosti
- dostavlja se**

Na osnovu člana 33., a u vezi sa članom 152. stav 1. i 2. Poslovnika Skupštine Zeničko-dobojskog kantona -Treći Prečišćeni tekst («Službene novine Zeničko-dobojskog kantona», broj: 14/18, 18/18 isp., 7/19 i 7/20), u prilogu ovog dopisa, dostavljamo Vam **Prijedlog Odluke o imenovanju Ureda za pritužbe javnosti** koji je na svojoj 25. sjednici održanoj dana 16.09.2020. godine utvrdila Komisija za izbor i imenovanja Skupštine.


S poštovanjem,

PRILOZI:

- *Prijedlog Odluke o imenovanju Ureda za pritužbe javnosti*
- *Popunjen obrazac Izjave o fiskalnoj procjeni (Obrazac IFP NE)*

PREDSEDavajućI

Čazim Huskić



DOSTAVLJENO:

- 1 x Naslovu,
- 1 x Predmet **25. sjednice Komisije/04-01**

Na osnovu člana 57. stav (1) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona" broj:13/18, 6/19 i 22/19), Skupština Zeničko-dobojskog kantona na __ sjednici održanoj dana ____ 2020. godine, donosi:

ODLUKU
o imenovanju Ureda za pritužbe javnosti

Član 1.
(Sastav Ureda za pritužbe javnosti)

Ovom Odlukom imenuje se Ured za pritužbe javnosti u sljedećem sastavu:

1. **Hajrudin Mehić** - predsjedavajući, predstavnik iz reda građana,
2. **Erna Bradarić**- predstavnica iz reda građana,
3. **Tijana Galić** - predstavnica iz reda građana,
4. **Mirzad Ćosić** - predstavnik iz reda građana,
5. **Miralem Duraković** - državni službenik zaposlen u Ministarstvu unutrašnjih poslova

Član 2.
(Mandat članova Ureda za pritužbe javnosti)

Mandat članova Ureda za pritužbe javnosti je četiri godine.

Član 3.
(Stupanje na snagu, objavljivanje i primjena)

Odluka stupa na snagu danom donošenja, a primjenjivat će se od 02.12.2020. godine i ista će se objaviti u «Službenim novinama Zeničko-dobojskog kantona».

Broj: 01-_____/20
Zenica, dana ____ 2020. godine

PREDSJEDAVAJUĆI

Ćazim Huskić

OBRAZLOŽENJE

I – PRAVNI OSNOV

Pravni osnov za donošenje Odluke sadržan je u članu 57. stav (1) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona" broj:13/18, 6/19 i 22/19), kojima je propisano:

„Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Ured.“

II – RAZLOZI ZA DONOŠENJE

Razlog za donošenje Odluke je činjenica da postojećem Uredu za pritužbe javnosti ističe mandat dana 01.12.2020. godine, zbog čega je potrebno imenovati novi Ured za pritužbe javnosti, u skladu sa odredbama novog Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona" broj:13/18, 6/19 i 22/19).

Imajući u vidu da je članom 54. stav (1) novog Zakona o unutrašnjim poslovima Zeničko-dobojskog kantona propisano da je Ured za pritužbe javnosti nezavisno tijelo Skupštine Kantona, te da je članom 55. stav (1) i (2) istog Zakona propisano da se Ured se sastoji od pet članova i to predsjedavajućeg i četiri člana, te da su predsjedavajući i tri člana Ureda iz reda građana, a jedan član je državni službenik zaposlen u Ministarstvu ili Upravi policije, kao i da je članom 57. stav (8) propisano da se postupak izbora Ureda pokreće najkasnije šest mjeseci prije isteka mandata postojećeg Ureda, Komisija za izbor i imenovanja Skupštine je na svojoj 22. sjednici održanoj dana 30.06.2020. godine utvrdila tekst Ponovnog javnog konkursa za imenovanje Ureda za pritužbe javnosti, (pošto se na prethodno objavljeni Javni konkurs niti jedan kandidat nije prijavio na poziciju predsjedavajućeg Ureda za pritužbe javnosti, već da su se svi kandidati prijavili za člana Ureda iz reda građana od kojih su neki za člana Ureda državnog službenika zaposlenog u Ministarstvu unutrašnjih poslova ili Upravi policije), koji je dana 06.07.2020. godine objavljen u dnevnim listovima „Dnevni avaz“ i „Oslobođenje“, kao 2 dnevna lista koja se distribuiraju na cijeloj teritoriji Bosne i Hercegovine, te u „Službenim novinama Ze-Do kantona“, broj: 11/20, od dana 06.07.2020. godine, te postavljen i na web stranici Zeničko-dobojskog kantona

Nakon isteka roka za prijavu u trajanju od 15 dana od dana zadnjeg objavljivanja konkursa i nakon sprovođenja propisane procedure, na 25. sjednici Komisije za izbor i imenovanja održanoj dana 16.09.2020. godine, obavljen je intervju sa prijavljenim kandidatima koji su ispunjavali sve propisane uslove Javnog konkursa i koji su se nalazili na Listi kandidata sa užim izborom, i to sa slijedećom kandidatima, po abecednom redu:

1. **Alić Besim, prof. razredne nastave**
2. **Bradarić Erna, prof. razredne nastave**
3. **Ćosić Mirzad, dipl. kriminalist**
4. **Drino Dževad, prof.dr.sc.**
5. **Duraković Miralem, dipl. pravnik**
6. **Durmić Nihad, dipl. pravnik**
7. **Galić Tijana, dipl. pravnik**
8. **Kusić Enver, dipl.pravnik**
9. **Lemeš Salih, dipl. pravnik**
10. **Lazić Predrag, dipl. ekonomista**
11. **Mehić Hajrudin, dipl. pravnik**
12. **Murtić Sumeja, dipl. ekonomista**
13. **Pavlović Leon, dipl. politolog**
14. **Tahmišćija Lejla, dipl. pravnik**

Kandidat **Mandžuka Almir, dipl. pravnik, magistar prava** nije pristupio intervjuu, iako je uredno pozvan pismenim putem i usmenim putem-pozivom na mobilni telefon.

Nakon obavljenog intervjuja sa ukupnon **14** kandidata koji su pristupili na intervju i sumiranja dobijenih bodova od strane svakog člana komisije, (što se utvrđuje na način da broj bodova koje je kandidat dobio na intervjuu, predstavlja zbir bodova datih od strane svakog člana Komisije, podijeljen sa brojem prisutnih članova Komisije), **kandidati liste sa užim izborom prijavljeni za poziciju predsjedavajućeg Ureda za pritužbe javnosti su ostvarili sljedeći broj bodova, na osnovu kojih je sačinjena Rang-lista sa najboljim kandidatima za navedenu poziciju:**

1. **Mehić Hajrudin – 25,00 bodova**
2. **Kusić Enver – 24,33 boda**
3. **Lemeš Salih – 23,33 boda**
4. **Pavlović Leon – 23,00 boda**
5. **Drino Dževad – 22,33 boda**
5. **Durmić Nihad – 22,33 boda**

Nakon obavljenog intervjuja i sumiranja dobijenih bodova od strane svakog člana komisije, (što se utvrđuje na način da broj bodova koje je kandidat dobio na intervjuu, predstavlja zbir bodova datih od strane svakog člana Komisije, podijeljen sa brojem prisutnih članova Komisije), **kandidati liste sa užim izborom prijavljeni za poziciju člana Ureda za pritužbe javnosti su ostvarili sljedeći broj bodova, na osnovu kojih je sačinjena Rang-lista sa najboljim kandidatima za navedenu poziciju:**

1. **Bradarić Erna – 25,00 bodova**
1. **Čosić Mirzad – 25,00 bodova**
1. **Galić Tijana – 25,00 bodova**
2. **Kusić Enver – 24,33 boda**
3. **Martić Sumeja – 23,67 boda**
4. **Lemeš Salih – 23,33 boda**
5. **Pavlović Leon – 23,00 boda**
6. **Durmić Nihad – 22,33 boda**
7. **Alić Besim - 22,00 boda**
7. **Tahmišćija Lejla - 22,00 boda**
8. **Lazić Predrag – 19,33 boda**

Nakon obavljenog intervjuja i sumiranja dobijenih bodova od strane svakog člana komisije, (što se utvrđuje na način da broj bodova koje je kandidat dobio na intervjuu, predstavlja zbir bodova datih od strane svakog člana Komisije, podijeljen sa brojem prisutnih članova Komisije), **kandidati liste sa užim izborom prijavljeni za poziciju člana Ureda za pritužbe javnosti iz reda državnih službenika zaposlenih u Ministarstvu unutrašnjih poslova ili Upravi policije, su ostvarili sljedeći broj bodova, na osnovu kojih je sačinjena Rang-lista sa najboljim kandidatima za navedenu poziciju:**

1. **Miralem Duraković - 25 bodova**

Nakon utvrđivanja kandidata koji je ostvario najveći broj bodova za svaku od navedenih pozicija, Komisija je utvrdila Prijedlog Odluke o imenovanju Ureda za pritužbe javnosti, te je Prijedlog iste Odluke uputila u skupštinsku proceduru i preporučuje Skupštini Zeničko-dobojskog kantona donošenje iste u predloženom tekstu.

III – OBJAŠNJENJE PREDLOŽENIH RJEŠENJA

Članom 1. vrši se imenovanje predsjedavajućeg i članova Ureda za pritužbe javnosti.

Članom 2. određuje se mandat Ureda za pritužbe javnosti.

Članom 3. je propisano stupanje na snagu Odluke, kao i njeno objavljivanje u službenom glasilu i to samo u „Službenim novinama Zeničko-dobojskog kantona“, shodno odredbi člana 13. Zakona o ministarskim, vladinim i drugim imenovanjima Federacije Bosne i Hercegovine, po kojem se sva konačna imenovanja treba odmah da objave u „Službenim novinama Federacije BiH" ili službenim novinama kantona, grada ili općine, te je propisan i početak primjene iste Odluke, 02.12.2020. godine-kao naredni dan nakon isteka mandata postojećeg Ureda za pritužbe javnosti.

IV – FINANSIJSKA SREDSTVA

Za provođenje ove Odluke nisu potrebna dodatna finansijska sredstva, osim ranije planiranih budžetskih sredstava.

KOMISIJA ZA IZBOR I IMENOVANJA

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	NAZIV
10010001		SKUPŠTINA KANTONA

B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
Naziv propisa/akta	Uredba	NE	Drugi akti	NE	Drugi akti planiranja	NE

C 3. Izjava o nepostojanju dodatnih fiskalnih efekata predloženog propisa

Donošenje Odluke o imenovanju Ureda za pritužbe javnosti neće imati fiskalne posljedice na Budžet za 2020. godinu u smislu obezbjeđivanja dodatnih budžetskih sredstava-u odnosu na planirana sredstva.

D 4. Pečat i potpis odgovornog lica obradivača, odnosno predlagagača propisa

Ćazim Huskić, predsjedavajući Komisije za izbor i imenovanja

Mjesto i datum

Zenica, dana 16.09.2020. godine

